




نديين توما



مع ولاّ بلا



- كتيّب يحتوي على صورة من الصور التي التقطتها كلٌ واحدة من بنات الهوى السبع، وقد حُوِّلت هذه الصورُ إلى طوابع تُلْحَس وتُزْرَق.

### مع ولاّ بلا؟

شارعُ الحمرا أحمر، أرضُ ترايُّها أحمر، الحمرا أماكن أضواؤها حمرُ حمراء، نساءٌ شفاهنَّ حمراوات، حمر الحمرا أحمر. ومن الأحمَر ما قُتِل.

أن تكون المرأة غانيةً، وأن أكون أنا أنا في مكانٍ لا أرى فيه سوى أفواهٍ تعجّ فيها روائحُ أجسادٍ أكلها غبارُ الطرقات والأرقة، وكلمات زوجاتٍ عطنة دُفنت في أيادي رجالٍ تبحث عن مهبلٍ لا يتساءل.

القوادة: «يا تقبريني شو عم تعملي هون؟» يدها اليمنى حول خصري، واليسرى على خدي الأيمن، وعيناها في فمي، وقلبي في بطنها، نرُقص معاً رقصَةَ النعم أم لا. أنا أُبحث عن امرأةٍ لي، عن رقيقةٍ لليلةٍ بين شراشف صينية حمراء تلمع بالخيوط البلاستيكية، تبغي الحرير، وحلمٌ كدش التفاحة الكبيرة يُنتظر في كوبٍ ماءٍ تُنقع

### تقديم

«مع ولاّ بلا»: تجهيزٌ متعدّدُ العناصر يقارب شارع الحمرا في بيروت من خلال تجارب ٧ بنات هوى.<sup>(١)</sup>

يتكوّن التجهيز من العناصر التالية:

- صورُ التقطتها النساء الغانيات، وهي صور ذاتية autoportraits لا نرى فيها وجوههنّ.

- عُرفٌ بحجم غرف البارات، عُرضت فيها منحوتاتٌ ضوئية ميكانيكية، وبيّنت في داخلها قصصُ النساء التي تمّ تسجيلها صوتياً.

- منحوتة حجرية بعنوان «حجر مذكرٌ حجارة مؤنث».

- قصاصات ورقية حُطت عليها حكايات هذه النساء، وعُلقت مع أغراض خاصة بهنّ في علب خشبية.

- بُني فور لها شكلٌ مهبل، متعدّدة النكهات والأحجام، قُدّمت إلى الزائرين من دون التعريف عنها!

- شريط فيديو بعنوان «بنت عيلة»، مدته ٥ دقائق، وهو مقابلة مع جراح يفسّر عملية «التسكير» أو «التقطيب» التي يُجريها للنساء. لا نرى الجراح، بل نسمع صوته فقط.

١ - التجهيز من إنتاج «أشكال ألوان» [الجمعية اللبنانية للفنون التشكيلية]، وقُدّم ضمن «مشروع شارع الحمرا» عام ٢٠٠٠.

## فاطمة

قهوة عَجْرَم. البحر هايج، ريحته مثل لونه. الذي عم بتبخيح، والوقت أخذ وقته. وصلت فاطمة، ما عرفتها، مغطاية من راسها لكعب إجريها. قبل ليلة شفتها مكشوفة. ابتسامتها خجولة. وقفت، سلمت، قعدنا.

بتحب «الميرندا» مع حبات القضامة جواتها. اتذكّرت ونحننا صغار كيف كنا نكب حبات القضامة بالقنينة، ونخلين يتشتشوا. ضحكنا وخبرنا قصص. وبعد ساعتين دردشة، حكينا عن أمنياتها: «ترياً كريستال من عند موسيو حنبلي، محلّه حد البيت. (بتتبسم، بتحط إيديها اليمنى قدام تمها). ياي شو حلوين ترياتها. شو جاي على بالي يكون عندي واحدة بالبيت. حتى لو ما عندي إلا تخت وطاوله، والبيت كله أوضه واحدة. الترياً غير شي. بنام معها، باكل معها، بحكي معها، بتسليني. بعدين انت شايفة الخيال اللي بيعمله الكريستال على الحيطان؟ يا الله شو حلو. عندكن ترياً بيتكن؟»



## كارول

بتكره البارات.

«بيخنقوني. بحب حياة الشارع، عجقته، زماميره، ريحته. على الطريق أنا حرة. بنقي الرجال اللي بدّي إياه، مش بس هو بينقيني. بسأله، مع ولأ بلا؟ إذا قلّي بلا، بقله بلاك انت! البقية بالبارات بقلن بلا، بقولوله يلكه، قوم.»

## نادين

بعد في بيوت ببيروت مدمرة من الحرب. وعالم عايشة فيها. نادين عايشة ببيت أهلها. عمر البيت أكثر من مية سنة. حد الزيتونة اللي كانت تلعب حداً، وعين المي يلكي صارت مجرور، والغسيل صور طايرة.

«بالنهار بفتح بيتي garderie لأولاد الحي. ببلاش. قصص، ألعاب، ورسم، دمي، منزرع الجنينة ورد، ومنقطف ليمون. وبالليل...»

فيه أسنانها؟ أسمع إحداهن تمتص رجلاً بسلاسة من الغرفة المجاورة. يدي على عيني القوادة: «شو حياتي، متضايقه؟» قبله على خدي قريبة جداً من فمي.

امراة أدخل مكاناً كله نساء، ولكنه فقط للرجال. تعايشت مع البارات ثلاثة أشهر (هل سيقران هذه الكلمات؟). أبحث عن اللواتي أستطيع مسّ قلوبهن وأرواهن حرة من القيود الجنسية. أبحث عن اللواتي قلوبهن حملتني إلى الفجر على ظهر كأس، فنكتة، ففنجان قهوة، فمقشوشة، فشروق شمس على الكورنيش. والعيون تبحث عن كتف تنام عليها، عن يد تحمّل رأسها إلى غيمة تمطر الهموم.

نساء من جنس آخر يمارسن الجنس من أجل المال.

والجنس أجناس، وأجناس الجنس عديدة.

لماذا أدّى مشروع فني عن الحمرا، عن شارع من شوارع بيروت، إلى التعاطي مع الجنس من خلال أجناس لا يعترف بها، إلى رحلات مع سبع نساء: مريم، فاطمة، كارول، نادين، جيهان، ليلي، أم سمير؟



نساء عايشن الحمرا قبل الحرب، في الحرب، بعد الحرب، نساء يعرفنها في الليل، يعرفن قصصها الخفية، يعملن فيها. الحمرا من خلال من فيها، وقد أخذنني معهن في حمرائهن.

## مريم

منطقة بالمدينة - محل أزرق - سمك برتقالي - أكواريوم محل - جزيرة بحر مربعة بقلب باطون - مريم وأنا واقفين بالنص - صغيرة مريم، كثير صغيرة - عادة بتوقف بالشارع وبتصير مرا - مرا كبيرة - مرا بعد ما حبت، بس الرجال الكبار بيحبوها - رحنا على الأزق - مريم ولا مرة رايحة على الأزق - شقرا مريم - عيونها زرق - حلوة كثير.

«بيي طلعتني من المدرسة وقال لي لاقى شغل - لقيت شغل - شغل منه بدفع قسط المدرسة يلكي ما تركتها، والباقي بعطيه لبيي - بجرر جمع شوي، يمكن ربنا فتحها بوجي وفتت على الجامعة - حلمي صير دكتوراة حيوانات - أوقات بحسّ حالي مثل السمك يلكي بيخلق بأكواريوم ويحلم طول حياته بالبحر.»

١٦ سنة، مش صغيرة مريم؟

## جيهان

- أنا. « قعدنا على الرصيف - رأس الست ليلى بحضني - حكيت لي عن السّيدا أو الإيدز وقالت: «أنا عم بموت!»

### إم سمير



البلكون عند تانت إم سمير، ركببة الكميونات والكميونجية: كرسّتين بلاستيك أخضر، صينية حديد Made in China مع ورد من كلّ الألوان، فنجانين قهوة مهلّلة، بطلّعهنّ بس بالمناسبات الخاصّة لأنهم غاليلين «وبخاف ينكسروا يا تانت.» الطقس حلو. سمير بالجامعة. عمّو أبو سمير عم يخلّق بالحمام. التلفزيون مدورّ بس بلا صوت، ونحن عم نحكي. «ما خلّيت نوع كميون إلا و[...]» فيه. ما بعرف ليش الكميونجية بيحبّوني وأنا بحبّين، يمكن بحبّ المشاوير بالكميون بعد أو قبل، بحبّ رحتهم، دايماً معي كُرمًا.

بيضّهم عمّو أبو سمير من الحمام بعد حلاقة الصبح لابس بيجاما مقلّمة أزرق وأبيض. بيصبّحني. بتعرّف عني تانت إم سمير: «ندين توما، هي يلّكي عم تعمل المشروع عنا.»

مطبخ جيهان. مَجْلَى. طاولة. أربع كراسي. برّاد صغير. فرن صغير. صحنونها وكبّاياتها كلّن حمر. «جوزوني عمري ١٥. طلّقتني عمري ١٦. بلّشت إغشّق بال ١٧. حبلت بال ١٨. خلّفت بال ١٩. خلّفت بالبيت، مع داية. (بتبكي) مش حتى قانونية. بتعرفني، ندين، كنت نام مع رجال وأنا حبلّي لأقدّر طلّع مصروفني. ما كانوا يعرفوا أنّي حبلّي، حتى وأنا بالشهر التاسع.

مرّة، واحد عصر لي بزّي، طلّع منه حليب. بكيت من الوجع. لبطّته، ما فهم. شحطته. علّمت قميصي، ما غسلتها، بعدها عندي. وقتها اكتشفت إنو صار في بيزّي حليب. «قلت لها: «تفضلي، هيدي Kleenex.» قالت لي: «Merci.» ومخّطت.

«كنت ضلّني لابسة من فوق. إشّلح من تحت. أو بس قشّط كيلوتي أو بنطلوني. خلّفت صبي، وأخذته الداية للتبّي.» سألتها: «بتعرفني بيّو؟» جاوبت: «لا.» (بتبكي).



«مرّا كنت راجعة من بيت رجال بالبسطة، على بيتي هون بالحمرا. الساعة خمسة الصبح. قلت له ينزلني بأول الشارع، لأخذ شوية هوا. بيطلع قدامي باب أخضر، باب مدرسة، شفّته ولا خمسين مرّة بالحلم. جمدت مطرحي. يمكن ربّنا عم بيقول لي إنو ابني بهالمدرسة. صار لي خمس سنين بنظر على ها الباب. بشترّي قطعة حلو من عند أبو محمد. بتفرّج عا الأولاد وهنّ طالعين. يمكن واحد ميّن ابني.»

### الست ليلى

بار. لون الزهر دخّان - العتمة نسوان - الشغل مش كتير منيح - وأنا فايته لوحدي - خايفة كتير - ولا رجال رفيق كان يسترجي يفوت معي - قال شو؟ بيخافوا ينشمسوا - الماترونا تأهلت فيّي وقعدتني على كرسي - شربّتني كاس - شدّتلّي خدّي الشمال - سنانها ذهب - صدرها كتير كبير - نصحتها إنو تغيّر لون شعرها وقبلت الست ليلى - إيديها بيرجفوا وبعيونها حرّز - بعد ما الكاس قتلّ بالراس، شدّتني بإيدي لبرّا على المحلّ يللي واجهته معبّاية وجوه لعيد البربارة وقالت: «شفتي هالوجوه كلّها - كلهم أنا

بيقول: تشرّفنا. أهلا وسهلا.

يقول: الشرف لإلي، عمّو.

بيقول: توما العروّ، بيقرّبوكي؟

يقول: نعم، بيّي.

بيقول: أنا ما يشربّ إلا توما من خمسين سنة.

يقول: المرّة الجاية بجبلّك معي قنينتين.

بيبتسم وبيفوت على أوضته. تانت إم سمير بتهزّ براسها ويتقول: «بيضلّو بها الأوضة عم يقرأ ويكتب. حاصله، إيه، كنت عم خبّرك عن الكميونجية شو بيحبّوني وبيغنجوني وبيدالوني وبيشترّوا لي هدايا. بعدين، ليّكي، حلو الـ sex على العالي، مجرّبتيها شي.» «لا، بس بأيّ نوع كميون بتنصحيني؟» منضّحك ومنضّحك.

### الدكتور

العملية بالذات بتعمل في عنا طريقتين. في عنا واحدة يلّكي منعملها حتى نسكّر قبل بوقت من العرّس. بس دايماً قبل العرّس أو قبل ليلة




جلد من قلب المهبل vagina ومينبرمها لورا حتى نسكر فيها مدخل المرا. ما في عندي كتير كمية فايضة حتى اقدر ضلتي عم اعمل هالعملية مرة مرة ورا مرة ورا مرة.

لما نقول purse string يعني هيدا الـ hymen أطرافه من هون منشدهم على بعض لنسكروا، يعني مثل كيس اللبنة يللي بتشدیه ليسكر. الخيط يللي منستعمله خيط كتير رقيق كتير رفيع حتى ما يبين. ولما بدو يفوت من هون بيخزق الخيط الرفيع، وبينزّل الدم، ويحسّ حاله عميل الشي يللي لازم يعمله.

بيروت

الدخلة، منشوف المريضة قبل كم يوم لأنه يمكن نضطرّ نعمل قطبة تانية لنتأكد إنو ليلة الدخلة رح يحسّ بالفتحة العجيبة وينزل الدم والخبريات كلها. منصير نعلمهم شو يعملوا. يمكن نقول للبتن إنو بدك تمثلي، ما تخافي، ما تفضحي حالك. أوقات منقول حطي دبوس أو شفرة صغيرة تحت المخذة حتى تجرحي إصبعك وتحطي نقطة نقطتين دم، حتى هو يحسّ إنو عمل الشي يللي لازم يعمله ويكون عنتر زمانه. في واحدة خيرتها إنو لازم تمثل ليلة العرس وأخ وأي وخبريات. بعد أسبوعين، لما عم شوفها كيف صارت، سألتها: «كيف كان؟» قالت: «من كتر ما صرخت وأخ وأي وخبريات، بطل يقوم معه!» أوقات بتيجيه شرموطة يللي بتعمل هالعملية حتى تنام معه وتطلع بالليلة يمكن مدخول شهر من ورا ليلة واحدة. بيدفع عليها ما بعرف ١٠٠٠٠/٥٠٠٠ دولار.

Ethics الـ business [أخلاقية هذه المهنة] إنو إذا بتيجي لعندي واحدة مش virgin probably [غير عذراء على الأرجح] وجاية مع خطيبها، يقول لي اكشف لي عليها شوف إذا هيدي virgin



أم لا، ما فيني قول إنو هي مش virgin. في كتير منهن بدن السترا، يمكن سبب بقتلها للمخلوقة. بكذب أحسن ما إقتلها. بنت عيلة كانت، أكيد بدو إياها عذراء وما بعرف شو.

أوقات بتيجيه واحدة شرموطة حلوة ومرتبة وكذا، وبتحسن إذا ما كانت عذراء ما فيها تطلع مصاري كتير لأنو في طلب على واحدة عذراء، يمكن يجي واحد طلبه ينام مع واحدة عذراء. بتيجي هالشرموطة يللي بتعمل هالعملية حتى تنام ليلة معه لهيدا.

في طلب كتير على الـ virgins. بيدفع عليها ما بعرف ١٠٠٠٠/٥٠٠٠ دولار.

الـ hymenoplasty أو التسكير عملية بتنعمل مرة أو maximum مرتين، لأنو حكما لما نعمل العملية ميشيل مثل رقعة

#### ندين توما

أسقطت على رأسي في قبّ لباس السبعينيات، وتهجرت إلى ضواحي بيروت الشرقية في الثمانينيات، وأخذتني رياح العلم إلى بلاد الغربية في القارة الأميركية الشمالية حيث توجت سنين التعب بشهادة في علوم النساء والفنون الجميلة. ومنذ عودتي إلى بلادي الأم وأنا في معترك الفنون والكتابة والمسرح.